

唐  
音  
統  
籤

戊籤四十八

唐音統籤卷

六百五十五

許郴睦州人舉進士不第詩一卷

鄭谷送郴罷舉詩桐廬歸舊居

垂老復樵漁吾子雖安命鄉人懶讀書為睦州人可據許業雖有留別從弟郴詩似是通譜序雁非同里也唐宋志不載有集惟近代朱氏百家唐詩有其集而中秋夜有懷一詩與紀事所收同知其編偶晚出非偽撰者惟郴字作琳疑傳寫之誤

中秋夜有懷

重見前八

趨馳早晚休一歲又殘秋若只如今日何難致白頭  
滄波歸處遠旅舍向邊愁賴見前賢說窮通不自由

尋白石山人澗

路窮川島上果值古仙家陰洞長鳴磬石泉寒泛  
花莓苔深峭壁煙靄積層崖難見囊中術人間有  
歲華

遊頭陀寺上方

高步陟崔嵬吟閒路惜迴寺從何代有僧是梵宮  
來暮靄連沙磧餘霞逼檻開更期招靜者長嘯上  
方臺

歸山夜發湖中

廣澤去無邊夜程風信偏疎星遙抵浪遠燒似迎  
船響嶽猿相次翻空雁接連北歸業就深處更

踰年

同友人會裴明府縣樓

開閣雨吹塵陶家揖上賓湖山萬疊翠汀樹一行  
春景通歸簷燕歌喧已醉身登臨興未足喜有數  
年因

荆山夜泊與親友遇

山海兩分岐停舟偶此期別來何限意相見卻無  
詞坐永神疑夢愁多鬢欲絲趨名易遲晚此去莫  
經時

北遊夜懷

月音新集  
苦心終是否捨此復無營已致歸成晚非緣去有  
程館空吟向月霜曙坐聞更住久誰相問驅羸又  
獨行

重經漢南

分散多如此人情豈自由重來看月夕不似去年  
秋息慮雖孤寢論空未識愁須同醉鄉者萬事付  
江流

湘江

孤舟方此去嘉景稱於聞煙盡九峰雲雨生諸派  
雲沙寒鴻鵠聚底極龜魚分異日誰爲侶逍遙耕

釣羣

黔中書事

巴蜀水南偏山窮塞壘寬歲時將近臘草樹未知  
寒獨狔啼朝雨羣牛向暮難更聞蠻俗近烽火不  
艱難

經李翰林廬山屏風疊所居

放逐非多罪江湖偶不廻深居應有謂濟代豈無  
才疊巘晴舒障寒川暗動雷誰能續高興醉死一  
千杯

酬簡寂熊尊師以趙員外廬山草堂見借

豈易投居止廬山得此峰主人曾已許仙客偶相逢  
顧已思難答窮經業未慵還能勵僮僕稍更補  
杉松

寄懷孫處士

生平酌與吟誰是見君心上國一歸去滄波閒至  
今鐘繁秋寺遠岸關晚濤深踈放長如此何人更  
得尋

漢南懷友人

此身西復東何計此相逢夢盡吳越水恨深湘漢  
鍾積雲開去路曙雪疊前峰誰卽知非舊憐君忽

見容

送人下第歸江州

名高不俟召操賦獻君門偶屈應緣數他人盡爲  
冤新春城外路舊隱水邊村歸去無勞久知音待  
更論

送蘇處士歸西山

南游何所爲一篋又空歸守道安清世無心換白  
衣深溪猿共暮絕頂客來稀早晚還相見論詩更  
及微

送李處士歸山



舊山來復去不與世人論得道書留篋忘機酒滿  
尊溪軒松偃坐石室水臨門應有頻相訪相看坐  
到昏

送新羅客歸

君家滄海外一別見何因風土難知教程途自致  
貧浸天波色晚橫吹鳥行春明發千櫓下應爲更  
遠人

府試萊城晴日望三山

不易識蓬瀛憑高望有程盤根出巨浸遠色到孤  
城隱隱排雲峻層層就日明淨收殘靄盡浮動嫩

嵐輕縱目徒多暇馳心累發誠從容更何徃此路  
徹三清

題故李賓客廬山草堂

難窮林下趣坐使致君恩術業行當代封章動諫  
垣已明邪佞迹幾雪薜蘿冤報主深知此憂民詎  
可論名將山共古跡與道俱存爲謝重來者何人  
更及門

戊籤四十九

唐音統籤卷

六百五十六

周繇字爲憲池州人咸通十二年登進士第以明  
皇夢鍾馗賦知名調建德令辟襄陽徐商幕府檢  
校御史中丞與段成式韋瓘溫庭筠同在賓筵倡  
和爲多集一卷

唐朱二志無  
通考書錄有

五言律詩

望海

蒼茫空泛日四顧絕人烟半浸中華岸旁通異域  
船島間應有國波外恐無天欲作乘槎客翻愁去  
隔年

登甘露寺

盤江山

一作

上幾層峭壁半垂藤殿鎖南朝像龕禪

外國僧海濤椿砌檻山雨灑牕燈日暮疎鐘起聲徹廣陵

甘露寺東軒

每日憐晴眺閑吟只自娛山從平地有水到遠天  
無老樹多封楚輕烟暗染吳雖居此廊下入戶亦  
踟躕

甘露寺北軒

曉色宜閒望山風遠益清白雲連晉閣碧樹盡蕪

城水靜沙痕出煙消野火平最堪住此境爲我長  
詩情

題東林寺虎搭泉

勝致通幽感靈泉有虎搭爪擡山脈斷掌托石心  
均竹藹疑相近松陰蓋亦交轉令棲遁者真境愈  
難拋

送洛陽崔員外

塞詔除嵩洛觀圖見廢興城遷周古鼎地列漢諸  
陵日送歸朝客時招住嶽僧郡齋臺閣滿公退卽  
吟登

送邊上從事

戎裝佩鎬鉞走馬逐輕車  
衰草城邊路殘陽壠上  
笳黃河穿漢界青冢出胡沙  
提筆男兒事功名立  
可誇

送人尉黔中

盤山行幾驛水路復通巴  
峽漲三川雪園開四季  
花公庭飛白鳥官俸請丹砂  
知尉黔中後高吟採  
物華

送宇文虞

此別欲何往未言歸故林  
行車新歲近落日亂山

深野店寒無客風巢動有禽潛知經日事大半是  
愁吟

螢

熠熠與娟娟池塘竹樹邊亂飛同曳火成聚却無  
烟微雨灑不滅輕風吹欲燃舊曾書案上頻把作  
囊懸

五言排律

送江州薛尚書

一作郎中

匡廬千萬峯影匝郡城中忽佩虎符去遙疑鳥道  
通烟霞時滿郭波浪暮連空樹翳樓臺月帆飛鼓

角風郡齋多岳客鄉戶半漁翁王事行春外題詩  
寄遠公

廣陽公宴段柯古速罷馳騁坐觀花艷或有  
眼飽之嘲因賦此詩

蹙鞠且徒爲寧如目送時報讐慙選爽存想恨逶  
遲促坐疑辟呬銜孟強朶願恣情窺窈窕曾恃好  
風姿色授應難奪神交願莫辭請君看曲講不負  
少年期

七言律詩

白石潭秋霽作



潭心烟霧破斜暉殷殷雷聲隔翠微崖蹙盤渦翻  
蜃窟灘吹白石上漁磯陵風舴艋謳啞去出水鷗  
鷗薄泊飛秋霽更誰同此望遠鐘時見一僧歸

題金陵栖霞寺贈月公

明家不要買山錢施作清池

一作花宮

種白蓮松檜老

依雲外地樓臺深鎖洞中天風經絕頂迴疎雨石  
倚危峯挂落泉欲結茅庵伴師住肯饒多少薜蘿  
煙

送楊環校書歸廣南

天南行李半波濤灘樹枝枝拂戲猱初着藍衫從

遠嶠乍辭云署泊輕艘山村象踏枕椰葉海外人  
收翡翠毛名宦兩成歸舊隱徧尋親友興何饒

送入蕃使

獵獵旗旛過大荒勅書猶帶御爐香滹沱河凍軍  
迴探邏迤城孤鴈着行遠塞燒狂移帳幕平沙日  
晚臥牛羊早終冊禮朝天闕莫遣虬髯染塞霜

經故宅有感

身沒南荒雨露賒朱門空鎖舊繁華池塘鑿就方  
通水桃杏栽成未見花異代圖書藏幾篋傾城羅  
綺散誰家昔年埏植生靈地今日生人爲嘆嗟

七言絕句

公子行

青衫薄薄漏春風  
日暮鳴鞭柳影中  
回望玉樓人  
不見酒旗深處勒花驄

津頭望白水

晴江暗漲岸吹沙  
山畔船衝樹杪斜  
城郭半淹橋  
市闌鷺鷥繚繞入人家

看牡丹贈段柯古

自注柯古  
前看牡丹

金藥霞英疊彩香  
初疑少女出蘭房  
逡巡又是一  
年別寄語集僊呼索郎

和段柯古不赴光風亭夜宴

玉樹瓊筵映彩霞澄波虛閣似僊家只緣存想歸

蘭室不向光風看夜花

段贈詩有姹女不愁難管領斬新錦裏得黃芽故云

和段柯古

襄陽中堂賞花詩與妓戲語段有詩嘲之云素娥畢竟難防備燒得

河車莫遣  
嘗錄和之

迴簪轉黛喜猜防粉署裁詩助酒狂若遇仙丹偕  
羽化便隨蕭史亦何傷

以人參遺段柯古

段有求人參詩

人形上品傳方志我得真英白紫團慚非叔子空  
持藥更請伯言審細看

戊籤五十

同卷

唐音統籤卷

六百五十七

來鵬豫章人詩思清麗咸通中舉進士不第詩一

卷

唐宋志同萬首絕句來鵬詩多作來鵬按鵬善爲文詩不少槩見今並收從鵬詩史云鵬

咸通中名振都下然好以詩譏訕當路爲人所惡紀事云福建章尚書岫愛其才欲以女妻之不果後避蜀夏課卷中有句云一夜綠荷風剪破賺他秋雨不成珠識者以爲不祥是歲隨秋賦果卒

病起

春初一臥到秋深不見紅芳與綠陰  
牕下展書難久讀池邊扶杖欲閒吟  
藕穿平地生荷葉筍過東家作竹林  
在舍渾如遠鄉客詩僧酒伴鎮相尋

寒食山館書情

唐音統籤

卷六百五十七

戈

獨把一盃山館中每經時節恨飄蓬  
侵階草色連朝雨滿地梨花昨夜風  
蜀魄啼來春寂寞楚魂吟後月朦朧  
分明記得還家夢徐孺宅前湖水東

鄂渚除夜書懷

鸚鵡洲頭夜泊船此時形影共悽然  
難歸故國干戈後欲告何人雨雪天  
筋撥冷灰書悶字枕陪寒席帶愁眠  
自嗟落拓無成事明日春風又一年

清明日與友人遊玉粒塘庄

幾宿

一作度

春山逐

一作共

陸郎

陸機有春遊詩

清明時節好

風光歸穿綠荇船頭滑  
醉踏殘花屐齒香  
風急嶺

雲翻迥野雨餘田水落方塘不堪吟罷東回首滿  
耳蛙聲正夕陽

鄂渚清明日與鄉友登頭陀山

冷酒一杯相勸頻異鄉相遇轉相親落花風裡數  
聲笛芳草烟中無限人都大此時深悵望豈堪高  
境更逡巡思量費子真仙子不作頭陀山下塵

宛陵送李明府罷任歸江州

菊花村晚鴈來天共把離杯向水邊官滿便尋垂  
釣侶家貧已用賣琴錢浪生湓浦千層雪雲起廬  
峰一炷煙僮見吾鄉舊知己爲言憔悴過年年

偶題二首

近來靈鵲語何疏  
獨凭欄干恨有殊  
一夜綠荷霜剪破  
賺他秋雨不成珠

水邊箕踞靜書空  
欲解愁腸酒不濃  
可惜青天好雷電  
只能驅起懶蛟龍

早春

新曆才將半紙開  
小庭猶聚爆竿灰  
偏憎楊柳難鈴轄  
又惹東風意緒來

除夜

事關休戚已成空  
萬里相思一夜中  
愁到曉鷄聲



絕後又將憔悴見春風

新安官舍閑坐

寂寞空階草亂生  
簾涼風動若爲情  
不知獨坐閑多少  
看得蜘蛛結網成

山中避難作

山頭烽火水邊營  
鬼哭人悲夜夜聲  
惟有碧天無一事  
日還西下月還明

題廬山雙劍峯

倚天雙劍古今閑  
三尺高於四面山  
若使火雲燒得動  
始應農耨滿人間

古劍池

秋水蓮花三四枝我來慷慨步遲遲  
不決浮雲軒邪倭直成龍去欲何爲

洞庭隱

高臥洞庭三十春菱荷香裡獨垂綸  
莫嫌無事閑銷日有事始憐無事人

蠶婦

曉夕采桑多苦辛好花時節不閑身  
若教解愛繁華事凍殺黃金屋裏人

雲

千形萬象竟還空映水藏山片復重無限旱苗枯  
欲盡悠悠閑處作奇峰

賣花謠

紫艷紅苞價不同市街羅列起香風無言無語呈  
顏色知落誰家池館中

惜花

東風漸急夕陽斜一樹夭桃數日花爲惜紅芳今  
夜裏不知和月落誰家

梅花

枝枝倚檻照池冰粉薄香殘恨不勝占得早芳何

所利與他霜雪助威稜

金錢花

也無稜郭也無神露洗還同鑄出新青帝若教花裏用牡丹應是得錢人

鸚鵡

色白還應及雪衣  
黃紅毛綠語仍奇  
年年鎖在金籠裡  
何似隴山閑處飛

子規

月落空山聞數聲  
此時孤館酒初醒  
投人語若似伊  
淚口畔血流應始聽

子規

雨恨花愁同此冤  
啼時聞處正春繁  
千聲萬血誰  
哀爾爭得如花笑  
不言

鷺鷥

裊絲翹足傍澄瀾  
消盡年光佇思間  
若使見魚無  
羨意向人姿態更應閑

游魚

弄萍隈苒思夷猶  
掉尾揚鬐逐慢流  
應怕碧巖巖  
下水浮藤如線月如鉤

聞蟬

綠槐陰裏一聲新霧薄風輕力未勻莫道聞時總  
惆悵有愁人有不愁人

句

回眸綠水波初起合掌白蓮花未開

觀懺會夫人墨莊漫錄

戊籤五十一

陳黯字希孺泉州人會昌迄咸通不第歿詩精切

與同郡王肱蕭樞同邑林顥漳浦赫連韜福州陳

旆陳發詹雄齊名集五卷

天復中黃滔編其集序之又以羅隱有塲屋契

求爲後序文賦詩牋檄合五卷唐藝文志云三卷宋志云一卷並亡

今存詩一篇

自咏豆花

黃滔云黯十歲能詩十三袖詩朱謁牧其首篇吟河陽花時面豆新

愈牧戲令自詠云云  
由是名大振州里

玳瑁應難比斑犀定不加天嫌未端正滿面與糝  
花

卷終

戊籤五十二

唐音統籤卷

六百五十八

曹唐字堯賓桂州人初爲道士後舉進士不第咸

通中累爲使府從事卒詩三卷

唐宋志同

今編二卷

北夢

璣言云唐遊仙詩才情縹緲岳陽守李遠每吟之而思其人唐儀質充偉一日往謁遠見之戲曰苦未覩標儀將謂可乘鸞鶴此際接晤竊恐壯水牛亦不勝其載時人聞而笑之杼情錄人或斷唐嘗作鬼詩使舉所作曰水底有天春寂寂人間無路月茫茫非鬼詩而何唐大晒又靈惟集唐寓江陵佛寺亭沼上得前句明日見二素衣婦沼上亦詠此句欲就詠不十餘步沒唐甚駭數日竟殂

二說互異備考

五言律詩

洛東蘭若夜歸



月  
一衲老禪牀吾生半異鄉管絃愁裏老書劍夢中  
忙鳥急山初暝蟬飛樹正涼又歸何處去塵路月  
蒼蒼

七言律詩

大遊仙十七首

內十一首元遺山唐詩鼓吹作宋邕詩

漢武帝將候西王母下降

崑崙凝想最高峯王母來乘五色龍歌聽紫鸞猶  
縹緲語來青鳥許從容風迴水落三清月漏苦霜  
傳五夜鐘樹影悠悠花悄悄若聞簫管是行蹤

漢武帝於宮中宴西王母

龍岫雲低太一壇  
武皇齋潔不勝歡  
長生碧字期親署  
延壽丹泉許細看  
劍佩有聲宮樹靜  
星河無影禁花寒  
秋風裊裊月朗朗  
玉女清歌一夜闌

漢武帝思李夫人

惆悵朱顏不復歸  
晚秋黃葉滿天飛  
迎風細荇傳香粉  
隔水殘霞見畫衣  
白玉帳寒鴛夢絕  
紫陽宮遠鴈書稀  
夜深池上蘭橈歇  
斷續歌聲接太微

劉晨阮肇遊天台

樹入天台石路新  
細雲和雨動無塵

一作雲和草  
靜迥無塵

烟霞不省生前事  
水木空疑夢後

裏  
作身往往鷄

鳴巖下月時時犬吠洞中春不知此地歸何處須  
就桃源問主人

劉阮洞中遇仙子

天和樹色靄蒼蒼霞重嵐深路渺茫雲實

一作滿

山無鳥雀水聲沿澗有笙篴碧沙洞裏乾坤別紅  
樹枝前日月長願得花間有人出不令仙犬吠劉  
郎

仙子送劉阮出洞

殷勤相送出天台仙境那能却再來雲液每歸須  
強飲玉書無事莫頻開花當洞口應長在水到人

閒定不迴惆悵溪頭從此別碧山明月照蒼苔

仙子洞中有懷劉郎

不將清瑟理霓裳塵夢那知鶴夢長洞裏有天春  
寂寂人間無路月茫茫玉沙瑤草連溪碧流水桃  
花滿澗香曉露風燈零落盡此生無處訪劉郎

劉阮再到天台不復見仙子

再到天台訪玉真青苔白石已成塵笙歌冥寞閑  
深洞雲鶴蕭條絕舊隣草樹總非前度色煙霞不  
似昔年春桃花流水依前一作然在不見當時勸酒

人

織女懷牛郎

北斗佳人雙淚流  
眼穿腸斷爲牽牛  
封題錦字凝新恨  
拋擲金梭織舊愁  
桂樹三天雲漠漠  
銀河一帶水悠悠  
欲將心就仙郎說  
借問榆花早晚秋

玉女杜蘭香下嫁於張碩

天上人間兩渺茫  
不知誰識杜蘭香  
來經玉樹三山遠  
去隔銀河一水長  
怨入清塵愁錦瑟  
酒傾玄露醉瑤觴  
遺情更說何珍重  
擘破雲鬟金鳳凰

張碩重寄杜蘭香

碧落香銷蘭露秋  
星河無夢夜悠悠  
靈妃不降三

清駕仙鶴空成萬里愁皓月隔花追歎別飛煙籠  
樹省淹留人間何事堪惆悵海色西風十二樓

王遠宴麻姑蔡經宅

好風吹樹杏花香花下真人道姓王大篆龍蛇隨  
筆札小天星斗滿衣裳閑拋南極歸期晚笑指東  
溟飲興長要喚麻姑同一醉使人沾酒向餘杭

夢綠華將歸九疑留別許真人

九點秋煙黛色空綠華歸思頗無窮每悲馭鶴身

難任

一作佳

長恨臨霞語未終河影暗吹雲夢月花

聲閑落洞庭風藍綠重勒金條脫留與人間許侍

中

穆王宴王母於九光流霞館

桑葉扶疎閉日華  
穆王邀命宴流霞  
霓旌著地雲初駐  
金奏掀天月欲斜  
歌咽細風吹粉蕊  
飲餘清露濕瑤砂  
不知白馬紅韁解  
偷喫東田碧玉花

紫河張休真

琪樹扶疎壓瑞烟  
玉皇朝客滿花前  
山川到處成三月  
絲竹經時卽萬年  
樹石冥茫初縮地  
盃盤狼籍未朝天  
東風小飲人皆醉  
從聽黃龍枕水眠

蕭史攜弄玉上昇

豈是丹臺歸路遙紫鸞煙駕不同飄一聲洛水傳  
幽咽萬片宮花共寂寥紅粉美人愁未散清華公  
子笑相邀縵山碧樹青樓月腸斷春風爲玉簫

黃初平將入金華山

莫道真遊煙景賒瀟湘有路入金華溪頭鶴樹春  
常在洞口人家日易斜一水暗鳴閒遶澗五雲長  
往不還家白羊成隊難收拾喫盡溪邊巨勝花

三年冬大禮五首

皇帝齋心潔素誠自朝真祖報昇平華山秋草多



歸馬滄海寒波絕洗兵銀箭水殘河影斷玉爐烟  
盡日華生千官整肅三天夜劒佩初聞入太清  
海日西飛度禁林太清宮殿月沉沉不聞北斗傾  
堯酒空覺南風入舜琴歌歷鈞天閑夢盡詔歸秋  
水道情深雪風更起古杉葉時送步虛清磬音  
太一天壇降紫君屬車龍鶴夜成群春浮玉藻寒  
初落露拂金莖曙欲分三代樂迴風入律四溟歌  
駐水成文千官不動旌旗下日照南山萬樹雲  
山擁飛雲海水清天壇未夕仗先成千官不起金  
縢議萬國空瞻玉藻聲禁火曙然香燭裊官衣寒

拂雪花輕側聞左右皆周呂看取從容致太平  
太和琴暖發南薰水濶風高得細聞滄海舉歌夔  
足相歷山迴禪舜爲君翠微呼處生丹障清淨封  
中起白雲今日病身慙小隱欲將泉石勸移文

南遊

盡興南遊卒未迴水上舟子不須催政思碧樹關  
心句難放紅螺蘸甲杯漲海潮生陰火滅蒼梧風  
煖瘴雲開蘆花寂寂月如練何處笛聲江上來

長安客舍敘邵謨舊宴懷寄永州蕭使君五  
首

邵陵樓樹

一作閭樹一作臺樹

碧蔥龍河漢西流宴未終殘

漏五更傳

一作海月

清笳三會揭天風香薰舞席

雲鬟綠光射散體蠟燭紅今日却思行樂處兩床

綠竹水樓中

粉堞

一作雉一作形

軒盡障西水雲紅樹翠璇題鷗

鵲影

一作飲

絕歌聲定鵲鵲身翻

一作初驚

舞翅齊坐對

玉山難旬線聽殘金石怕低迷東風夜月

一作月下

年飲不省歸時不似泥

木魚銅

一作金

鑰鎖春

一作重

城夜上紅樓縱飲

一作酒

情竹箭水繁更漏促桐花風軟管絃清百分散打

銀船溢十指寬催玉筯輕星斗漸稀賓客醉碧雲  
猶戀艷歌聲

三年身逐漢公

楚辭

侯賓榻容居最上頭飽聽笙

歌陪夜

一作補

飲熟尋雲樹縱閑遊朱門鎖閉煙嵐

暮鈴閣清涼水木秋月滿前山風不動更邀詩客

醉南樓

不知何路學飛翻虛受賢侯鄭重恩午夜清歌敲  
玉筯三年洪飲竭金樽招携每感雙魚遠報答空  
思一劍存狼籍梨花滿城月當時長醉信陵門

羽林賈中丞

四十年前百戰身曾驅虎隊掃邊塵風悲鼓角榆  
關暮日射旌旗隴草春鐵馬慣牽遼上客金魚多  
解乞佳人臂中別有安邊計誰睬髭髯白似銀

暮春戲贈吳端公

年少英雄好丈夫大家望拜執金吾聞眠曉日聽  
鸚鵡笑倚春風杖轆轤深院吹笙聞漢婢靜街調  
馬任奚奴牡丹花下簾鉤外獨凭紅肌將虎鬚

贈南嶽馮處士二首

寂寥深木閉煙霞洞裡相知有幾家笑看潭魚吹  
水沫醉嗅溪鹿喫蕉花穿厨歷歷泉聲細繞屋悠

悠樹影斜夜靜着灰封釜竈自添文武養丹砂  
白日溪邊自結廬風泉滿院稱幽居鳥啼深樹斷  
靈藥花落閒牕看道書烟嵐晚過鹿裘濕水月夜  
明山舍虛支頤冷笑緣名出終日王門強曳裾

奉送嚴大夫再領容州二首

海風卷樹凍嵐消憂國寧辭嶺外遙自顧勤勞北  
百戰不將功業負三朝劍澄黑水曾芟虎箭劈黃  
雲慣射鵬代北天南盡成事肯將心許霍嫖姚  
日照雙旌射火山笑迎賓從却南還風雲暗發詠  
諧外感會潛生氣槩間斲竹水翻臺榭濕刺桐花

落管絃閒無因得覈真珠履親從新侯定八蠻

送康祭酒赴輪臺

潮水橋邊酒一杯送君千里赴輪臺霜黏海眼旗  
聲凍風射犀文甲縫開斷磧簇煙山似米野營軒  
地鼓如雷分明會得將軍意不斬樓蘭不擬迴

送劉尊師祇詔闕庭三首

海風葉葉駕霓旌天路悠悠接上清錦誥淒涼遺  
去恨玉簫哀絕醉離情五湖夜月幡幢濕雙闕清  
風劍佩輕從此暫辭華表柱更應千載是歸程  
五峯此別隔人間雙闕何年許再還既掃

集作  
拂山

川收地脉須留日月駐天顏霞觴共飲身雖在風  
馭難陪跡未閑從此枕中唯一作雖有夢夢魂何處

### 訪三山

仙老開眠碧草堂帝書徵入白雲鄉龜臺欲署長  
生籍鸞殿邀論不死方莖露想傾延命酒素烟思  
蕤降真香五千言外無文字更有何詞贈武皇

### 送羽人王錫歸羅浮

風前整頓紫荷巾歸向羅浮保

一作報

養神石磴倚

天行帶月鐵橋通海入無塵龍蛇出洞閑邀雨岸  
象眠花不避人最愛葛洪尋藥處露苗烟藥滿山



春

哭陷邊許兵馬使

北風裂地黯邊霜  
戰敗桑乾日色黃  
故國暗迴殘士卒  
新墳空葬舊衣裳  
散牽細馬嘶青草  
任去佳人平白楊  
除却陰符與兵法  
更無異物在儀牀

和周侍御買劍

將軍溢價買吳鉤  
要與中原靜寇讐  
試掛牕前驚電轉  
略拋牀下怕泉流  
青天露拔雲霓泣  
黑地潛擎鬼魅愁  
見說夜深星斗畔  
等閒期尅月支頭

勗劒

古物神光雪見羞未能擎出恐泉流暗臨黑水蛟  
螭泣潛倚空山鬼魅愁生怕雷霆號澗底長聞風  
雨在牀頭垂情不用將  
氣惱亂司空犯斗牛

題子姪書院雙松

自種雙松費幾錢頓令院落似秋天能藏此地新  
晴雨却惹空山舊燒烟枝壓細風過枕上影籠殘  
月到牕前莫教取次成闌夢使汝悠悠十八年

病馬五首

綠耳何年別渥洼病來顏色半塵泥

一作沙

四蹄不

鑿金砧裂雙眼慵開玉筍斜墮月兔毛乾鰈鱗作

一作

解失雲龍骨瘦查牙平原好放無人放嘶向秋風

首荻花

壠上沙葱葉正齊騰黃猶自跼羸蹄毳罽夜雨紅

絲脆頭掉秋風白練低力憊未思金絡腦影寒空

望錦障泥階前莫恠垂雙淚不遇孫陽不敢嘶

又

集作階前莫錯雙垂耳不遇孫陽不用嘶

不剪焦毛鬣半翻何人別是古龍孫風吹病骨無

驕氣土蝕驄花見臥痕未噴斷雲歸漢苑曾追輕

練過吳門一朝千里心猶在爭肯潛忘秣飼恩

空被秋風吹病毛無因濯浪刷洪濤臥來總恹龍  
蹄踰瘦盡誰驚虎口高追電有心猶款段逢人相  
骨強嘶號欲將鬚鬣重裁剪乞借新城利鉞刀

病久無人着意看五花毛色

才調作  
衫色

欲凋殘飲驚

白露泉花冷噤怕清風

才調  
作秋

豆葉寒長襜敢辭紅

錦重舊韁寧畏紫絲蟠王良若許相擡策千里追  
風也不難

戊籤五十二曹唐之二

唐音統籤卷十六百五十九

七言絕句

小遊僊詩九十八首

玉簫金瑟發商聲桑葉乾枯海水清淨掃蓬萊山

上地

一作路

略邀王母話長生

上元元日豁明堂五帝望空拜玉皇萬樹琪花千  
圃藥心知不敢輒形相

騎龍重過玉溪頭紅葉還春碧水流省得壺中見  
天地壺中天地不曾秋

真王未許久從容立在花前別審封手把玉簫頭

不舉自愁如醉倚黃龍

金殿無人鎖絳烟玉郎並不賞丹田白龍蹀躞難  
迴跋爭下紅綃碧玉鞭

玄洲草木不知黃甲子初開浩劫長無限萬年年  
少女手攀紅樹滿殘陽

宮闕重重閉玉林崑崙高闕彩雲深黃龍掉尾引  
郎去使妾月明何處尋

風滿塗山玉藥稀赤龍閒卧鶴東飛紫粲爛盡無

人喫何事韓君

一作蘇君去不歸

武帝徒勞厭暮年不曾清淨不精專上元少女絕

還往滿竈丹成白玉烟

百辟朝回閉玉除  
露風清宴桂花疎  
西歸使者騎金虎  
彈鋏垂鞭唱步虛

南斗闌珊北斗稀  
茅君夜著紫霞衣  
朝騎白鹿趁朝去  
鳳押笙歌逐後飛

焚香獨自上天壇  
桂樹風吹玉簡寒  
長怕嵇康乏僊骨  
與將僊籍再尋看

冰屋朱扉曉未開  
誰將金策扣瓊臺  
碧花紅尾小僊犬  
閒吠五雲噴客來

酒灑春濃瑤草齊  
眞公飲散醉如泥

朱一作輪  
軋

輒入雲去行到半天聞馬嘶

白石山中自有天竹花藤葉滿

一作

溪州朝來洞

口圍碁了賭得青龍直幾錢

海水西飛照柏林青雲斜倚錦雲深水風暗入古

山葉吹斷步虛清磬音

玉韶新除沈侍郎便分茅土鎮東方不知今夕游

何處侍從皆騎白鳳凰

洞裏烟霞無歇時洞中天地足金芝月明明朗溪

頭樹白髮老人相對碁

饑卽餐霞悶卽行一聲長嘯萬山青穿花渡水來



相訪珍重多才阮步兵

東妃閒著翠霞裙自領笙歌出五雲清思密談誰  
第一不過邀取小茅君

月影悠悠秋樹明露吹犀簾象牀輕嬪妃久立帳  
門外暗笑夫人推酒聲

九天天路入雲長燕使何由到上方玉女暗來花  
下立手援裙帶問昭王

玉皇賜妾紫衣裳交向桃源嫁阮郎爛煮瓊花勸  
君喫恐君毛鬢暗成霜

花底休傾綠玉卮雲中含笑向安期窮陽有數不

知數大是人間年少兒

玉色雌龍金絡頭真妃騎出縱閒遊崑崙山上桃花底一曲商歌天地秋

聞來洞口等劉君緩步輕擡玉線裙旋擘桃花擲流水更無言語倚彤雲

西漢夫人下太虛九霞裙幅五雲輿欲將碧字相教示自解盤囊出素書

天上鷄鳴海日紅青腰侍女掃朱宮酒花烝葉瀝清酒待與夫人邀五翁

汗漫真遊實可奇人間天上幾人知周王不信長

生話空使長弘碧淚垂

青錦縫裳綠玉襠  
滿身新帶五雲香  
閒依碧海攀鸞駕  
笑就蘇君覓橘嘗

鶴不西飛龍不行  
露乾雲破洞簫清  
少年僊子說閒事  
遙隔彩雲聞笑聲

洞裏烟深木葉癡  
乘風使者降玄都  
隔花相見遙相賀  
擎出懷中赤玉符

芝蕙芸花爛漫春  
瑞香煙露濕衣巾  
玉童私地誇書札  
偷寫雲瑤暗贈人

天上邀來不肯來  
人間雙鶴又空回  
秦皇漢武死

何處海畔紅桑花自開

紫羽麾幢下玉京却邀真母入三清白龍久住渾

相戀斜倚祥雲不肯行

鶴叫風悲竹葉疎誰來五嶺拜雲俱人間肉馬無

輕步踏破先生一卷書

夜降西壇宴已終花殘月榭霧朦朧誰遊八海門

前過空洞一聲風雨中

忘却教人鎖後宮還丹失盡玉壺空姮娥若不媮

靈藥爭得長生在月中

賜谷先生下宴時月光初冷紫瓊枝淒清金石樹

天地事在世間人不知

共愛初平住九霞焚香不出閉金華白羊成隊難  
收拾喫盡溪頭巨勝花

酒盡香殘夜欲分青童拜問紫陽君月光悄悄笙  
歌遠馬影龍聲歸五雲

海樹靈風吹彩煙丹陵朝客欲昇天無央公子停  
鸞轡笑泥嬌妃索玉鞭

八景風回五鳳車崑崙山上看桃花若教使者沽  
春酒須覓餘杭阿母家

叔卿遍覽九天春不見人間故舊人怪得蓬萊山

下水半成沙土半成塵

欲飲尊中雲母漿月明花裏合笙簧更教小奈將  
龍去便向金壇取阮郎

海上桃花千樹開麻姑一去不知來遶東老鶴應  
慵惰教探桑田便不回

昨夜相邀宴杏壇等閒乘醉走青鸞紅雲塞路東  
風緊吹破芙蓉碧玉冠

雲鶴冥冥去不分落花流水恨空存不知玉女無  
期信道與留門却開門

承女平明受事回暗交丹契錦囊開欲書密詔防

人見佯喝青虬使莫來

太一元君昨夜過碧雲高髻綰婆娑手擡玉策紅  
於火敲斷金鸞使唱歌

碧瓦彤軒月殿開九天花落瑞風來玉皇欲著紅  
龍袞親喚金妃下手裁

長房自貴解飛翻五色雲中獨閉門看却桑田欲  
成海不知還往幾人存

赤龍停步彩雲飛共道真皇海上歸千歲紅桃香  
破鼻玉盤盛出與金妃

碧海靈童夜到時徒勞相喚上瓊池因循天子能

閑事縱與青龍不解騎

且欲留君飲桂漿九天無事莫推忙青龍舉步行  
千里休道蓬萊歸路長

侍女親擎玉酒卮滿卮傾酒勸安期等閒相別三  
千歲長憶水邊分棗時

萬歲娥眉不解愁旋彈清瑟旋閒遊忽聞下界笙  
簫曲斜倚紅鸞笑不休

去住樓臺一任風十三天洞暗相通行厨侍女炊  
何物滿籠無烟玉炭紅

風動聞天清桂陰水精簾外冷沉沉西妃少女多



春思斜倚彤雲盡日吟

王母相留不放回偶然沉醉臥瑤臺憑君與向蕭  
郎道教著青龍取妾來

絳節笙歌繞殿飛紫皇欲到五雲歸細腰侍女瑤  
花外爭向紅房報玉妃

聞君新領八霞司此別相逢是幾時妾有一觥雲  
母酒請君終宴莫推辭

方士飛軒駐碧霞酒香風冷月初斜不知誰唱春  
歸曲落盡溪頭白葛花

方朔朝來到我家欲將靈樹出丹霞三千年後知

誰在擬種紅桃待放花

水滿桑田白日沈凍雲乾霰濕重陰遼東歸客閒  
相過因話堯年雪更深

朝回相引看紅鸞

一作泉

不覺風吹鶴警偏好是興

來

一作清

騎白鶴文妃爲伴上重天

一作旋驅旌節旋昇天

公子閒吟八景文花南拜別上陽君金鞭遥指玉  
清路龍影馬嘶歸五雲

一百年中是一春不教日月輒移輪金盞頭上蓬  
萊殿惟有人間鍊骨人

笑擎雲液紫羅觥共請雲和碧玉笙花下偶然吹

壺酒共君論飲莫論詩

滄海令拋卽未能且緣鸞鶴立相仍蔡家新婦莫  
嫌少領取真珠三五升

溪影沉沙樹影清人家皆踏五音行可憐三十六  
天路星月滿空瓊草青

北斗西風吹白榆穆公相笑夜投壺花前玉女來  
相問賭得青龍許贖無

九天王母皺蛾眉惆悵無言倚桂枝悔不長留穆  
天子任將妻妾住瑤池

暫隨鳬伯縱閒遊飲鹿因過翠水頭宮殿寂寥人

不見碧花菱角滿潭秋

新授金書八素章玉皇教妾主扶桑與君一別三  
千歲却厭僊家日月長

八海風涼水影高上卿教製赤霜袍蛟絲玉線難  
裁割須借玉妃金剪刀

海上風來吹杏枝崑崙山上看花時紅龍錦襜黃  
金勒不是元君不得騎

絳闕夫人下北方細環清珮響丁當禁花笑入春  
風裏偷折紅桃寄阮郎

又一首

見唐詩紀事在  
九十八首外

前節先生幾代孫青娥曾  
玉郎魂春風流水還  
無賴偷放桃花出洞門

題武陵洞五首

此生終使此身閑不是春時且要還  
寄語桃花與流水莫辭相送到人間

溪口回舟日已昏却聽鷄犬隔前村  
殷勤重與秦人別莫使桃花閉洞門

却恐重來路不通殷勤回首謝春風  
白鷄黃犬不將去且寄桃花深洞中

桃花夾岸杳何之花滿春山水去遲  
三宿武陵溪

上月始知人世有春時

渡水傍山尋絕壁白雲飛處洞天開  
仙人來往無行跡石逕春風長綠苔

句

斬蛟青海上射虎黑山頭

見紀事

孤峯旋碍日一

柱自擎天

見方輿勝覽

簫聲欲盡月色苦依舊漢家

宮樹秋

一曲哀歌茂陵道漢家天子葬秋風

誰知漢武無仙骨滿竈黃金成白烟

以上見張爲主客圖

戊籤五十三

唐音統籤卷

六百六十

李山甫字里未詳咸通中累舉不第依魏博幕府為從事嘗逮事樂彥禎羅弘信父子文筆雄健名著

著一方有詩集一卷

唐宋志同

今編三卷

牧豎閑談山甫美客容髮

長五尺餘嘗沐後理髮客造焉疑為婦人趨出山甫連呼之方悟唐書樂彥禎傳云彥禎喜儒術引山甫及公乘億在幕偶燭之亂使山甫說鎮州王鏐令同盟拒賊鏐不克從王鐸傳云鐸鎮滄州避魏彥禎子從訓心利鐸妓妾山甫以數舉被黜起中朝大臣導從訓伏兵漳南高難泊劫之鐸家屬吏佐三百餘人皆遇害接咸通中鐸嘗再典禮聞山甫正為鐸所黜也

五言古詩

遣懷

長松埋澗底鬱鬱未出原孤雲飛隴首高縈不可  
攀古道貴拙直時事不足言莫飲盜泉水無爲天  
下先智者與愚者盡歸北邙山唯有東流水年光  
不暫閑

山中依韻荅劉書記見贈

幽居少人事三徑草不開隱几虛室靜閑雲入坐  
來至道非內外詎言才不才寶月當秋空高潔無  
纖埃心減百慮滅詩成萬象回亦有吾廬在寂寞  
舊山隈從容未歸去滿地生青苔謝公寄我詩清  
奇不可陪白雲飛不盡碧雲欲成堆驚風出地戶



號號似震雷吟哦山嶽動令人心膽摧思君覽章句還復如望梅慷慨追古意曠望登高臺何當陶淵明遠師勸影杯流年將老來華髮自相催野寺連屏幃左右相徘徊

山中答劉書記寓懷

貴門多冠冕日與榮辱並山中有獨夫笑傲出衰盛正直任天真鬼神亦相敬之子貢丘園戶牖松蘿映骨將槁木齊心同止水淨筆頭指金波座上橫玉柄芙蓉出秋渚繡段流清詠高古不稱時沉默豈相競窮搜萬籟息危坐千峯靜林僧繼嘉唱

風前亦爲幸

五言律詩

別墅

此地可求息  
開門足野情  
窗明雨初歇  
日落風更清  
蒼蘚槎根匝  
碧煙水面生  
翫奇心自樂  
暑月聽蟬聲

自歎拙

自憐心計拙  
欲語更悲辛  
世亂僮欺主  
年衰鬼弄人  
鏡中顏欲老  
江上業長貧  
不是劉公樂  
何由變此身

夜吟

除却閑吟外人間事慵更深  
一句月冷上孤峯窮理多  
瞋目含毫靜倚松終篇渾不寐  
危坐到晨鐘

山下殘夏偶作

等閑三伏後獨卧此高丘  
殘暑炎於火林風爽帶秋  
聲名何要出吟詠亦堪休  
自許紅塵外雲谿好漱流

早秋山中作

誰到山中語雨餘風氣秋  
烟嵐出澗底瀑布落牀

頭至道亦非遠  
僻詩須苦求  
千峯有嘉景  
拄杖獨巡遊

春日商山道中作

一逕春光裏  
揚鞭入翠微  
風來花落帽  
雲過雨沾衣  
谷鳥銜枝去  
巴人負笈歸  
殘陽更惆悵  
前路客亭稀

亂後塗中

亂離尋故園  
朝市不如村  
慟哭翻無泪  
顛狂覺少魂  
諸侯貪割據  
群盜恣并吞  
爲問登壇者  
何年答漢恩

陪鄭先輩華山羅谷訪張隱者

白雲閑洞口飛蓋入嵐光好鳥共人語異花迎客  
香谷風聞鼓吹苔石見文章不是陪仙侶無因訪  
阮郎

題慈雲寺僧院

帝城深處寺樓殿壓秋江紅葉去寒樹碧峯來曉  
窗煙霞生淨土苔蘚上高幢欲問吾師語心猿不  
肯降

病中荅劉書記見贈

病來雙樹下雲脚上禪袍頻有瓊瑤贈空瞻雪月

高已知捐俗態時許話風騷衰疾未能起相思徒  
自勞

寄太常王少卿

別後西風起新蟬坐臥聞秋天靜如水遠岫碧侵  
雲雅飲純和氣清吟冰雪文相思重回首梧葉下  
紛紛

別楊秀才

因亂與君別相逢悲且驚開襟寬自慰拭淚眼空  
明故國已無業舊交多不生如何又分袂難話別  
離情

送劉將軍入關討賊

世人多恃武何者是真雄  
欲滅黃巾賊須憑黑稍  
公指星憂國計望氣識天風  
明日凌雲上期君第一功

古石硯

追琢他山石方圓一勺深  
抱真唯守墨求用每虛心  
波浪因文起塵埃爲廢侵  
憑君更研究何啻直千金

惜花

未會春風意開君又落君  
一年今爛熳幾日便續

月二十七日  
紛別艷那堪賞餘香不忍聞罇前恨無語應得作  
朝雲

聞子規

冤禽名杜宇此事更難知昔帝一時恨後人千古  
悲斷腸思故國啼血濺芳枝況是天涯客那堪  
睂

燕

每歲同辛苦看人似有情亂飛春得意幽語夜聞  
聲整羽莊姜恨迴身漢后輕豪家足金彈不用汚  
雕楹



五言排律

題李員外廳

石砌蛩吟響草堂人語稀  
道孤思絕唱年長漸知  
非名利終成患煙霞亦可依  
高丘松蓋古閑地藥  
苗肥猿鳥啼嘉景牛羊傍晚暉  
幽棲還自得清嘯  
坐忘機愛彼人深處白雲相伴歸

酬劉書記見贈

獨在西峯末隣君和  
多勞生同朽索急景似傾  
波禪者行擔錫樵師語隔坡  
旱生赤蘚古木架  
青蘿石澗新蟬蛻茅簷舊燕窠  
篇章蒙見許松月

好相遇思苦通眞理吟清合太和  
起送漁歌  
風

酬劉書記一二知己見寄

見說金臺客相逢祇論詩坐來殘暑退吟許野僧  
知自喜幽棲僻惟慙道義虧身閑偏好古句冷不  
求奇晦迹全無累安貧自得宜同人終念我蓮社  
有歸期

七言律詩一

寓懷

萬古交馳一片塵思量名利孰如身長疑好事皆

虛事却恐閑人是貴人老逐少年終不放辱隨榮  
後直須勻勸君不用誇頭角夢裏輸贏總未真紀事

天譴執  
政也

### 山中病後作

臥病厭厭三伏盡商飈初自水邊來高峯枯槁骨  
偏峭野樹扶疎葉未摧時序追牽從鬢改蟬聲酸  
急是誰催雲門不閉全無事心外沈然一聚灰

### 早秋山中作

榮枯無路入千峯肥遯誰諧此志同司寇亦曾遭  
魯黜步兵何事哭塗窮檜松瘦健滴秋露戶牖虛

明生晚風山思更清人影絕隴雲飛入草堂中

早春微雨

惟來鶯蝶似凝愁不覺看花漸濕頭疎影未藏千  
里樹遠陰微翳萬家樓青羅舞袖紛紛轉紅臉啼  
珠旋旋收歲旱且須教濟物爲霖何事愛風流

寒食二首

柳帶東風一向斜春陰澹澹蔽人家有時三點雨  
點雨到處十枝五枝花萬井樓臺疑繡畫九原珠  
翠似煙霞年年今日誰相問獨隊長安泣歲華  
風煙放蕩花披猖鞦韆女兒飛出牆繡袍馳馬拾

遺翠錦袖鬪雞喧廣場天地氣和融霽色池臺日  
暖燒春光自憐塵土無他事空脫荷衣泥醉鄉

南山

鈍碧頑青幾萬秋直無天地始應休莫嫌塵土佯  
遮面能向樓臺強出頭霽色陡添千尺翠夕陽閑  
放一堆愁假饒不是神仙骨終抱琴書向此遊

曲江二首

南山低對紫雲樓翠影紅陰瑞氣浮一種是春長  
富貴大都爲水也風流爭攀柳帶千千手間插花  
枝萬萬頭獨向江邊最惆悵滿衣塵土避王侯

江色沉天萬草齊暖煙晴靄自相迷  
蜂憐杏葉細香落鶯墜柳條濃翠低  
千隊國娥輕似雪一群公子醉如泥  
斜陽怪得長安動陌上分飛萬馬蹄

蒲關西道中作

國東王氣凝蒲關樓臺帖出晴空間  
紫煙橫捧大舜廟黃河直打中條山  
地鎖咽喉千古壯風傳歌吹萬家開  
來來去去身依舊未及潘年鬢已斑

兵後尋邊二首

千里煙砂盡日昏戰餘燒罷閉重門  
新成劒戟皆農器舊着衣裳盡血痕  
卷地朔風吹白骨挂天青

氣泣幽魂自憐長策無人問羞戴儒冠傍塞垣  
旗頭指處見黃埃萬馬橫馳鶻翅迴劒戟遠腥凝  
血在山河光暗陣雲來角聲惡殺悲於哭鼓勢爭  
強怒若雷日暮却登寒壘望飽鴟清嘯伏屍堆  
風怒邊沙迸鐵衣胡兒胡馬正驕肥將軍對陣誰  
教入戰上辭營不道歸新血濺紅粘蔓草舊骸堆  
白映寒暉胷中縱有銷兵術欲向何門說是非

司天臺

拂雲朱檻捧昭回靜對銅渾水鏡開太史只知頻  
奏瑞蒼生無計可陳一作防災景公進德星曾退漢

帝推誠目爲迴何事曠官全不語好天良月鎖高臺

雨後過華嶽廟

華山黑影背崔嵬金天門未開雨淋鬼火滅  
不滅風送神香來不來牆外素錢飄似雪殿前陰  
栢吼如雷知君暗宰人間事休把蒼生夢裏裁

讀漢史

四百年間反覆尋漢家興替好沾襟每逢姦詐須  
握手真遇英雄始醒心王莽來曾半破曹公將  
去便半沉當時虛受君恩者謾向青編作鬼林

宋初



高英秀好滑稽嘗譏古人詩病云  
山前半破平沉二語是被船詩

### 蜀中寓懷

千里煙霞錦水頭五丁開得也風流  
春裝寶景重  
重樹日照仙州萬萬樓蛙似公孫雖不守龍如諸  
葛亦須休此中無限英雄鬼應對江山各自羞

### 代孔明哭先主

憶昔南陽顧草廬便乘雷電捧乘輿酌量諸葛須  
平取期刻群雄待遍鋤南面未能成帝業西陵那  
忍送宮車九疑山下頻惆悵曾許微臣水共魚

### 又代孔明哭先主

鯨鱗翻騰四海波始將天意用于戈盡驅神鬼隨  
鞭策全罩英雄入網羅提劍尚殘吳郡國垂衣猶  
欠魏山河鼎湖無路追仙駕空使群臣泣血多

上元懷古二首

南朝天子愛風流盡守江山不到頭總是戰爭收  
拾得却因歌舞破除休堯行一作將道德終無敵秦

把金湯可自由試問繁華何處有雨苔煙草古一作

石城秋

爭帝圖王一作皇德盡衰驟興一作王馳霸亦何爲君

臣都是一場笑家國同一作共成千載悲排岸遠檣

森似梨落波殘照  
嬋如旗今朝城上難迴首不見  
樓船索戰時

隋隄柳

曾傍龍舟拂翠華  
至今凝恨倚天涯  
但經春色還秋色  
不覺楊家是李家  
昔日古陰從北朽  
逐波疎影向南斜  
年年只有晴風便  
遙爲雷塘送雪花

陰地關崇徽公主手跡

廣川書跋云初僕同懷恩之叛其女沒入

宮大曆四年回紇請婚因封爲崇徽公主  
降可汗道汾州以手掌托石壁遂有手痕  
今靈石有崇徽公主手痕碑

一拓纖痕更不收  
翠微蒼蘚幾經秋  
誰陳帝子和

春策我是男兒爲國羞寒雨洗來香已盡澹煙籠  
着恨長留可憐汾水知人意旁與吞聲未忍休